

Broj: 03-32-168-1/24
Sarajevo, 02.10.2024. godine

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije Bosne i Hercegovine", broj: 15/05), a u cilju stvaranja uslova za održivi povratak i unapređenje obrazovnih kapaciteta, Federalno ministarstvo raseljenih osoba i izbjeglica **raspisuje**

JAVNI POZIV
za podršku osnovnim školama u povratničkim mjestima za opremanje informatičkih kabineta
– učionica

I - PREDMET JAVNOG POZIVA

Predmet javnog poziva je podrška osnovnim školama iz povratničkih mjesta na teritoriji Bosne i Hercegovine kroz upotrebu savremenih tehnoloških rješenja, što uključuje nabavku interaktivnih i multimedijalnih nastavnih sredstava, IT i druge opreme te resursa potrebnih za savremeni način učenja i nastave.

II – CILJ JAVNOG POZIVA

Cilj javnog poziva je pružiti podršku unapređenju obrazovnog procesa i stvaranje uslova za bolje obrazovanje u povratničkim zajednicama opremanjem STEM učionica (nauka, tehnologija, inženjering, matematika), koji će poboljšati kvalitet nastave, olakšati pristup informacijama i novim tehnologijama učenicima osnovnih škola.

III – PRAVO UČEŠĆA

Pravo učešća imaju sve javne osnovnoškolske ustanove (osnovne škole (centralne i područne škole), koje se nalaze u povratničkim mjestima, pod uslovom da ispunjavaju sljedeće kriterije:

- da su registrovane i djeluju kao javne osnovnoškolske ustanove, čiji je osnivač nadležni organ vlasti u skladu sa propisima koji se odnose na osnivanje osnovnih škola;
- da se nalazi u povratničkom mjestu na teritoriji Bosne i Hercegovine;
- da škola za koju se aplicira ima najmanje 10% učenika iz kategorije manjinskih povratničkih porodica.

Područne škole mogu učestvovati na način da prijavu podnosi matična škola sa naznakom da se radi o projektu područne škole.

IV – OPĆI KRITERIJI I DOKUMENTACIJA ZA PRIJAVU

Prijava na javni poziv treba obavezno da sadrži slijedeće dokumente:

1. Čitko popunjenu i potpisanu prijavu na javni poziv, na obrascu koji je dostupan na internet stranici Ministarstva <https://fmroi.gov.ba/> ili se može preuzeti lično u Ministarstvu, na adresi Hamdije Čemerlića br. 2., Sarajevo;
2. Akt o registraciji ili osnivanju (original ili ovjerena kopija od strane nadležnog organa ne starija od 30 dana);

3. Uvjerenje o poreskoj registraciji (ID/JIB broj) aplikanta (original ili ovjerena kopija od strane nadležnog organa ne starija od 30 dana);
4. Potvrda banke o broju računa odnosno informacija nadležnog organa uprave za finansije za škole koje su budžetski korisnici i nemaju svoj transakcijski račun (original ili ovjerena kopija od strane nadležnog organa ne starija od 30 dana);
5. Ovjerena izjava pečatom aplikanta – škole za koju se aplicira o broju učenika povratnika iz manjinskih povratničkih porodica;

V - NAČIN IZBORA KORISNIKA I POSEBNI KRITERIJI

Izbor korisnika po osnovu ovog javnog poziva vršit će posebna komisija koju imenuje federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva i procedurama za izbor korisnika. Komisija zadržava pravo provjere tačnosti podataka iz prijave i odbacivanja prijave koje ne ispunjavaju uslove ili sadrže netačne podatke.

U slučaju prijavljivanja većeg broja aplikanta u odnosu na raspoloživa sredstva, prednost će imati škole koje ispunjavaju sljedeće posebne kriterije:

- Veći procenat učenika povratnika iz reda manjinskih povratnika.
- Sažeti projekt opremanja STEM učionica sa jasno definisanim prostornim kapacitetima, adekvatnim uslovima za opremanje, vrstu opreme, količinu po vrsti opreme, njenu namjenu i opis poboljšanja nastavnog procesa. Oprema može uključuje ali se ne ograničava na: desktop računare, laptope, pametne table, pametne panele, projektore, mrežnu IT opremu, štampače...
- Preporuka lokalne zajednice

VI – FINANSIJSKA SREDSTVA

Planirana budžetska sredstva za realizaciju ovog javnog poziva iznose do 200.000,00 KM (slovima: dvijestotinehiljada KM).

Sa izabranim korisnicima će biti zaključeni ugovori o realizaciji pomoći po ovom javnom pozivu.

VII – ROK ZA PRIJAVE I NAČIN PODNOŠENJA PRIJAVA

Prijave sa traženom dokumentacijom dostaviti lično ili poštom preporučeno, na adresu:

Federalno ministarstvo raseljenih osoba i izbjeglica

Hamdije Čemerlića 2

71000 Sarajevo

sa naznakom

Prijava na „Javni poziv za opremanje osnovnih škola u povratničkim mjestima“.

(Na poledini koverta navesti naziv aplikanta, adresu i kontakt telefon)

Rok za prijave je **11.10.2024. godine.**

Nepotpune i neblagovremene prijave neće se uzimati u razmatranje.

VIII - OBJAVLJIVANJE REZULTATA

Preliminarna i konačna rang lista odabranih projekata biće objavljena na internet stranici Ministarstva www.fmroi.gov.ba.

IX – INFORMACIJE O JAVNOM POZIVU

Za dodatne informacije zainteresovane stranke se mogu obratiti putem telefona: 033/294-134 ili putem e-maila: kabinet@fmroi.gov.ba.

MINISTAR

BOSNA I HERCEGOVINA
FEDERACIJA BOSNE I HERCEGOVINE



Federalno ministarstvo
raseljenih osoba i izbjeglica